

Tarikh Dibaca: 27 Januari 2017

KHUTBAH JUMAAT

Tajuk:

***“EKSPLOITASI AGAMA DEMI HABUAN
DUNIA”***

***Terbitan:
Unit Khutbah
Bahagian Pengurusan Masjid***



JABATAN AGAMA ISLAM SELANGOR

SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Prof. Madya Dr. Osman Bin Sabran (Ahli)**
Pensyarah, Universiti Selangor
- 5. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 6. Tuan Haji Md. Sahari Bin Abdullullah (Ahli)**
Ahli Jawatankuasa Fatwa Negeri Selangor
- 7. Tuan Haji Abdul Halem Hapiz Bin Salihin (Ahli)**
Ketua Penolong Pengarah, Bahagian Penyelidikan Dan Pembangunan
- 8. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 9. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 10. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



"EKSPLOITASI AGAMA DEMI HABUAN DUNIA"

الْحَمْدُ لِلَّهِ الْقَائِلِ... وَلَا تَشْتَرُوا بِعَايَتِي ثَمَنًا قَلِيلًا
وَإِيَّيَ فَاتَّقُونَ ﴿٤١﴾¹
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

¹ Al-Baqarah ; 41



Muslimin yang dirahmati Allah sekalian,

Mari bersama-sama kita tingkatkan ketakwaan kita kepada Allah SWT dengan sebenar-benar takwa dengan mengamalkan apa yang diperintahkan oleh Allah dan Rasul-Nya, serta menjauhi apa yang dilarang-Nya.

Mimbar jumaat pada hari ini akan membicarakan satu tajuk penting bagi umat Islam iaitu **"EKSPLOITASI AGAMA DEMI HABUAN DUNIA"**.

Hadirin Jumaat yang dirahmati Allah sekalian,

Dunia adalah jambatan menuju kehidupan akhirat yang kekal abadi. Amatlah rugi mereka yang mengejar habuan dunia, leka dan terpedaya dengan tipu daya dunia sehingga lupa membezakan antara halal atau haram. Hadis daripada Abu Hurairah R.Anhu bahawa Rasulullah SAW bersabda;

يَخْرُجُ فِي آخِرِ الزَّمَانِ رَجَالٌ يَخْتَلُونَ الدُّنْيَا
بِالدِّينِ، يَلْبَسُونَ لِلنَّاسِ جُلُودَ الضَّأْنِ مِنَ اللَّيْنِ،
أَلْسِنَتُهُمْ أَحْلَى مِنَ السُّكَّرِ، وَقُلُوبُهُمْ قُلُوبُ الذِّئَابِ.

(Riwayat at- Tirmizi).

"Pada akhir zaman akan muncul orang-orang yang mencari keuntungan dunia dengan menjual agama. Mereka memakai pakaian yang dibuat daripada kulit kambing (berpura-pura zuhud) untuk mendapat simpati orang ramai. Tutur kata mereka lebih manis daripada gula. Sedangkan hati mereka sama dengan hati serigala yang bertujuan jahat".



Golongan yang dimaksudkan didalam hadis ini ialah orang-orang yang menjadikan agama sebagai alat untuk mendapat habuan dan keuntungan dunia. Mereka sanggup menggunakan agama untuk kepentingan dunia.

Muktakhir ini, kita dapati sebahagian ahli perniagaan yang memperalatkan agama untuk cepat kaya dengan jalan mudah atas nama agama. Ada juga peniaga yang menipu dalam jualan langsung seperti skim cepat kaya kononnya berteraskan Islam. Ini telah dibuktikan melalui laporan media massa dan elektronik, pelbagai aduan mengenai modus operandi menggunakan nama agama sebagai platform untuk meraih kepercayaan pembeli. Lebih memburukkan keadaan, pihak tidak bertanggungjawab ini juga mengeksploitasi nama agama sebagai umpan dengan meyakinkan orang ramai bahawa pelaburan tersebut bersifat patuh syariah walhal ia sebenarnya tidak wujud.

Terdapat juga eksploitasi tawaran pakej dalam menguruskan bakal-bakal haji dan umrah dengan menawarkan pakej haji dan umrah yang menarik perhatian seperti harga murah yang luar biasa. Mereka menggunakan masjid dan surau untuk mempromosikan pakej mereka, bahkan terdapat juga pakej yang mempergunakan golongan agama yang berpengaruh untuk menarik perhatian orang ramai.

Selain itu, terdapat juga mereka yang mempergunakan istilah wakaf seperti wakaf Quran, wakaf tanah, bangunan masjid, pusat tahfiz dan lain-lain untuk tujuan ibadah dan kebajikan tetapi sebaliknya bertujuan untuk kepentingan peribadi. Begitu juga segala kutipan derma dan sumbangan yang mempergunakan nama agama untuk kegunaan peribadi. Hakikatnya mereka telah membunuh kepercayaan orang ramai terhadap Islam.



Islam juga melarang dengan tegas sebarang bentuk aktiviti manipulasi dalam perniagaan. Pelabelan produk makanan dan minuman oleh syarikat tertentu mampu menarik perhatian dan minat pembeli. Tambahan pula terdapat beberapa produk yang menggunakan potongan hadis sebagai dalil sokongan kepada produk jualan dengan meletakkan label hadis tertentu untuk menarik sokongan pelanggan dengan mendakwa inilah produk sunnah yang sebenar. Justeru, pada hari ini, terdapat pelbagai produk dijual dengan menggunakan 'unsur' agama sebagai nilai komersial dalam melariskan perniagaan. Sebahagian dakwaan itu bersandarkan kepada hadis palsu dan perkara yang tidak benar sama sekali. Amalan ini boleh menjatuhkan martabat islam yang mulia kerana mempermainkan hadis Rasulullah SAW dan boleh merosakkan pegangan akidah umat Islam itu sendiri.

Dewasa ini juga, semakin banyak produk-produk perniagaan yang kononnya dibacakan ayat al-Quran sama ada lengkap 30 juzuk atau sebahagiannya. Produk ini dijual dengan harga yang tinggi dan lebih mahal dari biasa. Begitu juga, menjampi air dan ubat yang tertentu untuk kepentingan wang ringgit dan mendakwa air yang dijumpi boleh menyembuhkan penyakit atau menambah kasih sayang pasangan suami isteri. Tindakan ini telah membuka fitnah terhadap al-Quran khususnya apabila al-Quran bukan sahaja dibacakan pada air minuman, malah minyak wangi, ayam ternakan, vitamin, makanan tertentu dan sebagainya.

Justeru, ini akan menimbulkan fitnah baru kepada Islam dan al-Quran. Ini jelas, memperdagangkan bacaan al-Quran dalam bentuk sedemikian adalah bukan matlamat sebenar Al-Quran diturunkan oleh Allah. Demikian juga, mempergunakan kanak-kanak untuk mengutip derma di atas nama agama dan kebajikan. Kegiatan mengutip derma di tempat awam yang didakwa dilakukan pelajar sekolah tahfiz ini telah mencemar nama baik



institusi itu sebagai tempat mempelajari dan menghafaz al-Quran. Semua pihak perlu memainkan peranan yang lebih proaktif dan mengambil tindakan tegas kepada sesiapa sahaja yang menggunakan nama agama dan kebajikan bagi mengutip derma dan mengeksploitasi kanak-kanak.

Muslimin yang dirahmati Allah sekalian,

Islam tidak melarang kita mencari nikmat dunia kerana ia tempat kita berladang untuk akhirat. Tetapi bukan melalui jalan yang salah, menyeleweng dan memperalatkan agama. Islam mahukan kita sentiasa berhati-hati didalam urusan dunia agar tidak menyimpang dari landasan yang telah ditetapkan oleh Allah. Kita perlu menyedari bahawa kehidupan diakhirat adalah kehidupan sebenar dan kekal abadi yang perlu diberi keutamaan.

Mengakhiri khutbah ini, marilah sama-sama kita mengambil langkah-langkah pencegahan untuk membendung gejala ini iaitu;

1. Umat Islam hendaklah mempunyai rasa takut kepada azab Allah SWT kerana mempergunakan agama untuk tujuan dunia.
2. Umat Islam hendaklah mengelakkan diri daripada memperalat dan menggadaikan agama untuk mendapatkan secebis habuan laba dunia yang bersifat sementara.
3. Umat Islam hendaklah sentiasa berhati-hati dan jangan mudah terpedaya dengan golongan yang sentiasa mengambil kesempatan atas nama agama.



أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ثَمَنًا قَلِيلًا
أُولَٰئِكَ لَا خَلْقَ لَهُمْ فِي الْأٰخِرَةِ وَلَا يُكَلِّمُهُمُ اللَّهُ وَلَا
يَنْظُرُ إِلَيْهِمْ يَوْمَ الْقِيٰمَةِ وَلَا يُزَكِّيهِمْ وَلَهُمْ عَذَابٌ
أَلِيمٌ

"Sesungguhnya orang-orang yang mengutamakan keuntungan dunia yang sedikit dengan menolak janji Allah dan mencabuli sumpah mereka, mereka tidak akan mendapat bahagian yang baik pada hari akhirat, dan Allah tidak akan berkata-kata dengan mereka dan tidak akan memandang kepada mereka pada hari kiamat, dan tidak akan membersihkan mereka (dari dosa), dan mereka pula akan beroleh azab seksa yang tidak terperi sakitnya".

(ali-Imran:77).

بَارَكَ اللَّهُ لِيْ وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.



أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الرُّسُلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ يَا قَاضِيَ الْحَاجَاتِ. اللَّهُمَّ إِنَّا
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،
جَلَالَةَ مَلِكِنَا الْمُعَظَّمِ سُلْطَانَ سَلَاطُور، سُلْطَانَ
شَرَفُ الدِّينِ اأدريس شاه الحاج ابن المرحوم



سُلْطَانُ صَلَاحُ الدِّينِ عَبْدِ الْعَزِيزِ شَاهِ الْحَاجِّ. اَللّٰهُمَّ
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدٍ سَلَاطُورُ، تَغْكُو اَمِيرُ شَاهِ ابْنِ
السُّلْطَانِ شَرْفُ الدِّينِ اَدْرِيسِ شَاهِ الْحَاجِّ فِي اَمْنٍ
وَصَلَاحٍ وَعَافِيَةٍ بِمَنْنِكَ وَكَرَمِكَ يَا ذَا الْجَلَالِ وَالْاِكْرَامِ.
اَللّٰهُمَّ اَطْلُ عُمْرَهُمَا مُصْلِحَيْنِ لِلْمَوْظَفَيْنِ وَالرَّعِيَّةِ
وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat seperti kemarau



panjang, banjir besar, wabak penyakit supaya dengan demikian, negeri kami akan sentiasa dilindungi dan diberkati.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS).

Ya Allah, peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.

JAIS/Nurul
19.01.2017